



Univerzitet u Sarajevu  
Sindikata Univerziteta u Sarajevu  
Wilsonovo šetaliste 9  
71000 Sarajevo  
Bosna i Hercegovina

Telefon: ++ 387 33 729 860  
Fax: ++ 387 33 653 055  
Web strana: [www.sunsa.ba](http://www.sunsa.ba)  
e-mail: [sindikata@sunsa.ba](mailto:sindikata@sunsa.ba) i  
[sindikata\\_unsa@mef.unsa.ba](mailto:sindikata_unsa@mef.unsa.ba)

Broj: 238-06/19  
Sarajevo, 18.06.2019. godine

**KANTON SARAJEVO  
SKUPŠTINA KANTONA SARAJEVO  
Reisa Džemaludina Čauševića 1  
71000 Sarajevo**

**n/r. Predsjedavajući Skupštine g. Elmedin Konaković  
i svim zastupnicima u Skupštini KS**

**Predmet:** Stavovi Sindikata Univerziteta u Sarajevu u vezi Prijedloga autentičnog tumačenja člana 138. stav 7. Zakona o visokom obrazovanju

Poštovani,

Centralni odbor Sindikata Univerziteta u Sarajevu je na svojoj sjednici, održanoj 18.06.2019. godine, razmatrao tekst Prijedloga autentičnog tumačenja člana 138. stav 7. Zakona o visokom obrazovanju i donio sljedeće zaključke u vezi njegovog sadržaja:

1. Sindikat Univerziteta u Sarajevu (SUNSA) ne podržava i protiv je bilo kakve aktivnosti izmjena zakona o visokom obrazovanju u koje nije uključen ili se pak te aktivnosti provode bez njegovog znanja. Važno je primijetiti da zastupnici u Skupštini Kantona Sarajevo nisu upoznati o stavu Sindikata Univerziteta u Sarajevu u odnosu na podnesenu Inicijativu za autentičnim tumačenjem Zakona o visokom obrazovanju. U tom smislu, od izuzetnog značaja bi bilo da zastupnici u Skupštini imaju zvaničan stav Sindikata UNSA u vezi sa ovim pitanjem, te da se predstavnicima SUNSA omogućiti da na samoj sjednici Skupštine KS iznesu svoje stavove, što je u dosadašnjoj praksi bio slučaj sa reprezentativnim sindikatima osnovnog i srednjeg obrazovanja.
2. Predloženim autentičnim tumačenjem se ugrožava stabilnost procesa na „Univerzitetu u Sarajevu“, budući da se ovo tumačenje ne primjenjuje na privatne univerzitete, već isključivo samo na Univerzitet u Sarajevu i time UNSA dovodi u diskriminatoran položaj u odnosu na njih. Na ovakav način se potpuno neopravdano procesi reguliraju na drugačiji način samo na UNSA.
3. Predloženi zaključak Zakonodavno pravne komisije KS neminovno će dovesti do paraliziranja integrativnih procesa na UNSA i otvoriti put ka gušenju autonomije i ograničavanja prava članovima Vijeća organizacionih jedinica u procesu izbora svojih rukovodnih organa, odnosno dekana i direktora. U skladu sa Zakonom o visokom obrazovanju na području KS Vijeća organizacione jedinice autonomno, kroz javnu konkursnu proceduru, biraju dekane/direktore i niko drugi im ne može osporiti to pravo niti nametnuti da biraju nekoga koga oni ne žele.



Univerzitet u Sarajevu  
Sindikat Univerziteta u Sarajevu  
Vilsonovo šetaliste 9  
71000 Sarajevo  
Bosna i Hercegovina

Telefon: ++ 387 33 729 860  
Fax: ++ 387 33 653 055  
Web strana: [www.sunsa.ba](http://www.sunsa.ba)  
e-mail: [sindikat@sunsa.ba](mailto:sindikat@sunsa.ba) i  
[sindikat\\_unsa@mef.unsa.ba](mailto:sindikat_unsa@mef.unsa.ba)

---

4. Navedeno autentično tumačenje unosi pravnu nesigurnost, budući da se licu koje je prijevremeno razriješeno sa funkcije dekana onemogućava samo privremeno da bude birano za dekana i to dok je na snazi odluka Upravnog odbora o prijevremenom razrješenju. Nadalje, prijevremeno razrješenje može nastupiti zbog različitih razloga, ne samo zbog smjene rukovodnog organa od strane Upravnog odbora, već iz zbog ostavke koju može podnijeti dekan zbog prelaska na funkciju ministra, premijera,... U tim slučajevima je moguće da se prethodni dekan zadrži kratko vrijeme na novoj funkciji i da se ponovo javi na konkurs za izbor dekana koji može biti u tom trenutku otvoren. Ko mu može uskratiti to pravo? Autentično mišljenje Zakonodavno pravne komisije!!!

5. Donosi se autentično mišljenje samo za dekane, a ne i za rektora iako ista procedura za prijevremeno razrješenje vrijedi za oba rukovodna organa. Naime, u članu 154. stav (10) Zakona o visokom obrazovanju KS se navodi da „Upravni odbor Univerziteta može donijeti odluku o prijevremenom razrješenju rukovodioca Univerziteta/organizacione jedinice u sljedećim slučajevima: ...“. Potpuno je jasno da se ovaj stav odnosi jednako na rektora kao rukovodioca Univerziteta kao i na dekana/direktora organizacione jedinice. Osim toga, Zakonodavnopravna komisija utvrđujući autentično mišljenje člana 138. stav (7) Zakona pojašnjava termin „izbor novog rukovodioca“ organizacione jedinice, a ne dotiče se termina „izbor novog rukovodioca visokoškolske ustanove“ navedenog u članu 133. stav (7) istog Zakona o visokom obrazovanju KS.

6. Uvrštava se u dnevni red sjednice Skupštine KS tačka za koju nije dostavljeno Mišljenje Vlade KS koje je obavezujuće u skladu sa članom 130. Poslovnika o radu Skupštine KS.

S poštovanjem.

Centralni odbor sindikata Univerziteta u Sarajevu

Dostaviti:

- Naslovu
- a/a.